

49

**UGOVOR**  
**O reviziji finansijskih izvještaja Fonda memorijala**  
**za period 01.01. do 31.12.2016.godine**

Zaključen dana 16.02.2017.godine između:

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida, ul. Širokac br.22, Sarajevo, koga zastupa direktor Nurudin Džiho,dipl.pravnik (u daljem tekstu: Ugovorni organ)**
2. **Društvo za reviziju, računovodstvo i finansijski konsalting „ RECONS “ doo Sarajevo, ul.Azize Šaćirbegović b.b., koga zastupa direktor Grcić Nedžad, dipl.oec. (u daljem tekstu: Dobavljač)**

**Član 1.**

Ugovorne strane su saglasne da je predmet ovog ugovora usluga revizije finansijskih izvještaja Fonda memorijala KS za 2016.godinu, a sve prema Ponudi Dobavljača br. 2-24/17 od 14.02.2017.godine, koja podrazumjeva:

1. Revizija elemenata finansijskih izvještaja i povezanih računa

- ciklus potraživanja od kupaca i povezanih računa,
- ciklus nabavke i povezanih računa,
- ciklus zaliha i povezanih računa,
- novac i ulaganja,
- izabranih računa nekretnine, postrojenje i ostala opreme,
- vremenskih razgraničenja,
- ugovorene i izvršene usluge,
- finansijskog rezultata: višak prohoda/rashoda.

2. Reviziju procedura nabavke i usklađenosti iste sa Zakonom o javnim nabavkama:

- zakonitost izvršenih rashoda,
- zakonitost korištenja i raspolaganja novčanim sredstvima.

3. Revizija podudarnosti

- utvrđivanje nivoa usklađenosti sa određenim pravilima, politikama i zakonima.

**Član 2.**

Ugovorne strane su saglasne da	netto vrijednost ugovora iznosi	5.500,00 KM
	Vrijednost PDV-a iznosi	935,00 KM

Ugovorne strane su saglasne da ukupna vrijednost ugovora sa uključenim PDV-om iznosi

**6.435,00KM**

**( slovima:šesthiljadačetiristotinetridesetpet i 00/100KM)**

### Član 3.

Ugovorne strane su saglasne da će Ugovorni organ platiti Dobavljaču vrijednost ugovora po izvršenoj reviziji i dostavljanju revizorskog izvještaja, a na osnovu prethodno ispostavljene fakture sa obračunatim PDV-om.

### Član 4.

Ugovorne strane su saglasne da je rok pružanja usluge prva sedmica mjeseca Marta 2017.godine.

Dobavljač je obavezan pravilno čuvati i sačuvati sve interne radne dokumente u periodu od tri godine od revizije.

Dobavljač je dužan da obezbjedi da informacije i sva saznanja o poslovanju Ugovornog organa čuva trajno kao profesionalnu tajnu.

### Član 5.

Dobavljač će reviziju računovodstvenih iskaza i podudarnosti sačiniti profesionalno u skladu sa Zakonom o računovodstvu i reviziji i Međunarodnim standardima revizije.

### Član 6.

Ugovorni organ je dužan obezbjediti Dobavljaču: pristup knjigama, ispravama i dokumentaciji, informacijama i objašnjenjima neophodnim za obavljanje revizije.


### Član 7.

Ukoliko dođe do spora u realizaciji ovog Ugovora, strane će nastojati riješiti sporazumno, a u protivnom stvarno i mjesno je nadležan sud u Sarajevu.

### Član 8.

Ugovor je sačinjen u 4 (četiri) istovjetna primjerka i svaka strana zadržava po 2 (dva) primjerka.


ZA UGOVORNI ORGAN

 DIREKTOR  
Nurudin Džiho, dipl. pravnik



Broj:13-14-02-66/17  
Sarajevo, 16.02.2017.godine

ZA DOBAVLJAČA  
DIREKTOR

 Grcić Nedžad, dipl.oec



Broj: 2-13/17  
Sarajevo, 16.02.2017





Revizija. Računovodstvo. Finansijski konsalting  
[www.recons.ba](http://www.recons.ba)

RECONS d.o.o. Sarajevo  
Azize Šaćirbegović bb

MBS: 65-01-0700-13  
JIB: 4201913250001  
IB: 201913250001  
TRN: 1601060000011419 Vakufska banka d.d.

Broj: 2-24/17  
Sarajevo, 14.02. 2017. godine

FOND MEMORIJALA SARAJEVO  
Širokac 22

## PREDMET: Ponuda za obavljanje revizije za 2016. godinu

Na osnovu Vašeg Zahtjeva broj 13-14-14-66/17 od 10.02.2017. godine, dostavljamo Vam ponudu za reviziju finansijskih izvještaja za 2016. godinu, koja bi podrazumijevala:

### 1. PREDMET, CILJ REVIZIJE, ODGOVORNOST REVIZORA I OGRANIČENJA

Predmet revizije su finansijski izvještaji Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida, Sarajevo za 2016. godinu, koji se sastoje od bilansa stanja na dan 31.12.2016. godine, računa prihoda i rashoda i izvještaja o kapitalnim izdacima i finansiranju za godinu koja je tada završila.

Cilj revizije je da omogući revizoru izražavanje mišljenje o tome da li su finansijski izvještaji sačinjeni, u svim bitnim aspektima, u skladu sa Međunarodnim standardima finansijskog izvještavanja (MSFI), odnosno da li na istinit i fer način prezentiraju finansijsku uspješnost Fonda memorijala u obuhvaćenom periodu i finansijski položaj na referentni datum.

Odgovornost za finansijske izvještaje snosi menadžment Fonda memorijala. To uključuje vođenje adekvatnih računovodstvenih evidencija, ustrojavanje i implementaciju internih kontrola, izbor i primjenu računovodstvenih politika, kao i zaštitu sredstava kompanije. Revizor snosi odgovornost za izraženo mišljenje o tim finansijskim izvještajima na osnovu provedene revizije.

Revizija će biti obavljena u skladu sa Međunarodnim revizijskim standardima (ISA). Ti standardi zahtijevaju planiranje i obavljanje revizije tako da ona pruži razumno uvjerenje o tome ima li u finansijskim izvještajima značajnih grešaka. Revizijom će biti obuhvaćeno ispitivanje, na bazi testova, dokaza koji potkrepljuju iznose i objavljivanja iz finansijskih izvještaja. Revizija također

obuhvata ocjenjivanje adekvatnosti primijenjenih računovodstvenih načela te značajnih procjena uprave, kao i ocjenu sveukupne prezentacije finansijskih izvještaja.

## 2. DJELOKRUG REVIZIJE

Reviziju ćemo započeti odmah po iskazanoj potrebi Fonda memorijala, ako naša ponuda bude prihvaćena.

Revizija finansijskih izvještaja obuhvata slijedeće:

### a) Revizija elemenata finansijskih izvještaja i povezanih računa koja podrazumijeva:

- ciklus potraživanja od kupaca i povezanih računa
- ciklus nabavke i povezanih računa
- ciklus zaliha i povezanih računa
- novac i ulaganja
- izabrane račune nekretnina, postrojenja i opreme,
- vremenskih razgraničenja
- ugovorene i izvršene usluge
- finansijskog rezultata: višak prihoda/rashoda

### b) Revizija procedura nabavke i usklađenost za Zakonom o javnim nabavkama BiH:

- zakonitost izvršenih rashoda,
- zakonitost korištenja i raspolaganja novčanim sredstvima

### c) Revizija podudarnosti

utvrđivanje nivoa usklađenosti s određenim pravilima, politikama i zakonima

## 3. CIJENA I NAČIN PLAĆANJA

Cijena revizije finansijskih izvještaja iznosi 5.500,00 KM + PDV, odnosno

**6.435,00 KM sa uključenim PDV-om**

Način plaćanja:

- 100% nakon obavijesti o izvršenoj reviziji i davanju revizorskog mišljenja, a na osnovu prethodno ispostavljene poreske fakture sa obračunatim PDV-om

na transakcijski račun broj 1601060000011419 kod Vakufske banke d.d. Sarajevo.

**Rok pružanja usluge:** prva sedmica u martu 2016. godine

Opcija ponude: 90 dana

S poštovanjem!



**DIREKTOR**

**Nedžad Grcić, dipl. oec.**